

Fuzsuiz: Doenghnaz Gyaeujreih Ingj “Yaepveq”

4 nyied 1 hauh, Fuzsuiz Yen Senhconzbu cujiz canghfwen、boux dwkyozgi daengj gyoengq guh hong vwnzyi yienh neix bae daengz doenghnaz gyaeujreih ingj yaepveq, lumjbaenz ciengq go 《Gwnz Doenghnaz Miz Maqmuengh》《Eu Diuz Fwen Ndeu Hawj Aendangj Nyi》bae saedguh vwnzmingz seizdaih moq. Gyoengqde au neix angqhoh Cunghgoz Gungcanjdangj laeb ndaej bak hopbi, angqcoux “sam nyied sam Bouxcuengh” aen cietheij conzdungj yaek daeuj daengz haenx. Caemhcaiq yinx engq lai hekyouz bae daengz lajmbanj Fuzsuiz guhcaemz guh’angq, coicaenh siuyungh demmaj, coengh nungzminz demsou caeuq guhhoengh lajmbanj.

(Luz Vwnzfeij/卢文斐)



► Gyoengqvunz youq gyaeujreih nengznuengx ingj “yaepveq”.



▲ Mehmbwk Yauzcuz caeuxcaeux couh bae gyangdoengh mbaet go’ngaih lo.

Libuj Yauzcuz Guh Ceiz Gvaq Cingmingz

“Eu diuz fwen ndeu hawj mwngz nyi, ngoenzneix sim’ angq guh ceizngaih, ceizngaih guh ndaej mbouj ndeiyawj, gwn haeuj bak bae sim cix van……” Cingmingz daengz lo, beixnuengx Yauzcuz Libuj Yen Mbanjcingliengz homh naengh giz ndeu, doq guh ceiz doq eu fwen. Gyawj geij bi neix, yienh neix gujli dazyinx gak mbanj hwnnguh canjnieb dajndaem dajciengx、dinfwnz miz minzcuz daegsaek daengj, hawj gak minzcuz vunzlai demsou bienq miz, caez yamq haeuj ndwenngoenz ndei.

(Van Gyahminj Moz Sanghyij/万佳敏 莫双雨)

Hag Lizensij Aendangj Geiqniemh Lezsw

3 nyied 31 hauh, lauxsae caeuq gyoengq sausen-duiyenz Ginhsiu Cangzung Yangh Cungsim Hagdangz daengz moh lezsw Mbanj-sinhcunh dwkmoh. Gyoengq duiyenz ciengq gij duigoh Cunghgoz Saunen Senh-funghdui、dauq doeg vah-mieng haeuj dui、dwk moh lezsw、soengq vagien hawj lezsw daengj. Gyoengq lwghag hag le cingsaenz lezsw, dauq un lizensij gwzming, lij demgiengz cingzvaiz gyaez guek gyaez aendangj, ciepcienz vwnzva hoengz.

(Liengz Cunhyi Goh Gvanghcieuz / 梁春玉 郭光前)



▲ Gyoengq lwghag cingq nyinhcaen dwk moh lezsw.

Bae Gihcwngz Lwnhgangj Minzcuz Doxgiet Baenaj



▲ Hauilai vunz bae vienhciengz dingq lwnhgangj.

4 nyied 2 hauh, Mungzsanh Yen Minzcunghgiz caeuq Sin-fangjgiz、Suivugiz daengj lai aen danhvei banh gij hozdung bi 2021 lwnhgangj minzcuz doxgiet baenaj. Yienhciengz gungh fat le 1000 lai faenh senhconzdanh、400 lai aen daehsenhconz. Mbatlaeng, yienh neix yaek doxgap “sam nyied sam Bouxcuengh” laebdaeb bae lwnhgangj, doidoengh saehnieb minzcuz doxgiet baenaj guhhoengh hwnghat.

(Yangz Veiveih / 杨卉薇)